

Bosna i Hercegovina
Federacija Bosne i Hercegovine

Bosna i Hercegovina
Federacion of Bosnia and Hercegovina



Tuzlanski kanton
Općina Kladanj

Canton of Tuzla
Municipality Kladanj

TELEFONI: telefon/fax : 035/628-460; 628-461

SLUŽBENI GLASNIK

OPĆINE KLADANJ

BROJ : 6/10

03.08.2010. GODINE

GLASNIK izdaje Stručna služba Općinskog vijeća i
Općinskog načelnika
GLASNIK izlazi po potrebi

I AKTA OPĆINSKOG VIJEĆA

1. Odluka o stavljanju van snage Plana korištenja površina u naseljenom mjestu Brateljevići
2. Odluka o raspisivanju izbora za članove Vijeća Mjesne zajednice Stupari
3. Odluka o zonama sanitarne zaštite i zaštitnim mjerama za izvorište „Zlaća”
4. Program sanacije vodovodne mreže u naseljenom mjestu Kladanj
5. Zaključak o broj:01-49-2889/10 od 30.07. 2010.
6. Zaključak o usvajanju Izvještaja o izvršenju plana gazdovanja UG Lovačko društvo “Sokolina” Kladanj za lovnu 2009. /10. godinu
7. Zaključak o prihvatanju Informacije o gazdovanju šumama i stanju šuma na području Općine Kladanj za 2009. godinu
8. Zaključak o prihvatanju Informacije o realizaciji kulturnih i sportskih sadržaja te sadržaja fizičke kulture sa prijedlogom mjera za poboljšanje
9. Zaključak o prihvatanju Informacije o socijalnoj zaštiti i materijalnom položaju stanovništva općine Kladanj
10. Zaključak po Nacrtu Zakona o izmjenama i dopunama Zakona o porezu na promet, nepokretonosti i prava

Na osnovu člana 13. Zakona o principima lokalne samouprave („Sl. novine Federacije BiH“, broj: 49/06) i člana 42. Statuta Općine Kladanj – prečišćen tekst ("Službeni glasnik Općine Kladanj", broj: 1/01, 1/03, 2/04 i 2/05), Općinsko vijeće Kladanj, na sjednici održanoj 30.07.2010. godine, d o n o s i

O D L U K U

o stavljanju van snage Plana korištenja površina u naseljenom mjestu Brateljevići

Član 1.

Ovom Odlukom stavlja se van snage Plan korištenja površina u naseljenom mjestu Brateljevići („Službeni glasnik Općine Kladanj“, broj :6/09).

Član 2.

Odluka stupa na snagu danom objavljivanja u "Službenom glasniku Općine Kladanj".

OPĆINA KLADANJ
OPĆINSKO VIJEĆE
Broj:01-23-2888/10
Kladanj:30.07.2010.godine

PREDSJEDAVAJUĆI
Općinskog vijeća
Nijaz Čorbić, dipl.ing.

Na osnovu člana 13. Zakona o principima lokalne samouprave („Sl. novine Federacije BiH“, broj 49/06) i člana 42. Statuta Općine Kladanj – prečišćen tekst ("Službeni glasnik Općine Kladanj", broj: 1/01, 1/03, 2/04 i 2/05, Općinsko vijeće Kladanj, na sjednici održanoj 30.07.2010.godine , d o n o s i

ZAKLJUČAK

I

Daje se ovlaštenje Općinskom načelniku da može donijeti odluku o visini naknade za zauzimanje javne površine u naseljenom mjestu Brateljevići u vrijeme održavanja Dove kod Djevojačke pećine – Brateljevići za 2010.godinu.

Sastavni dio Odluke iz predhodnog stava je Grafički prilog lokacije za zauzimanje javnih površina „Djevojačka pećina – Dovište“ sa geodetskim podlogama sa ucrtanim lokacijama.

II

Odlukom iz tačke 1. ovog Zaključka utvrdit će se način naplate naknade kao javnog prihoda budžeta , način i rokovi za pravdanje prikupljenih sredstava, te visina sredstava koja će se vratiti Mjesnoj zajednici Kladanj podružnica Brateljevići za investiciona ulaganja .

III

Daje se ovlaštenje Mjesnoj zajednici Kladanj podružnici Brateljevići da može vršiti poslove naplate naknade za zauzimanje javne površine.

IV

Zaključak će se objaviti u "Službenom glasniku Općine Kladanj".

OPĆINA KLADANJ
OPĆINSKO VIJEĆE
Broj:01-49-2889/10
Kladanj:30.07.2010.godine

PREDSJEDAVAJUĆI
Općinskog vijeća
Nijaz Čorbić, dipl.ing.v.r.

Na osnovu člana 13. Zakona o principima lokalne samouprave („Sl.novine F BiH“, broj: 49/06) i Zaključka Općinskog vijeća Kladanj broj:01-05-2741/10 od 19.07.2010. godine Općinsko vijeće Kladanj, na sjednici održanoj 30.07.2010.godine, d o n o s i

O D L U K U

o raspisivanju izbora za članove Vijeća Mjesne zajednice Stupari

Član 1.

Raspisuju se izbori za članove Vijeća Mjesne zajednice Stupari.

Član 2.

Kandidacioni i izborni zborovi održat će se po naseljenim mjestima: Brlošci, Prijanovići, Stupari centar, Stupari selo, Krivajevići, Rujići, Noćajevići, Novo naselje, Crijevčići i Brgule.

Član 3.

Kandidacioni zbor za članove Vijeća MZ-e Stupari, za naseljena mjesta održat će se:

- Krivajevići	01.09.2010. godine u 17 sati,
- Rujići,	01.09.2010. godine u 20 sati,
- Brgule,	03.09.2010. godine u 17 sati,
- Crijevčići	03.09.2010. godine u 20 sati,
- Brlošci,	04.09.2010. godine u 12 sati,
- Prijanovići	04.09.2010. godine u 15.sati,
- Stupari centar,	05.09.2010. godine u 12 sati,
- Stupari selo,	07.09.2010. godine u 17 sati,
- Novo naselje	10.09.2010. godine u 17 sati,
- Noćajevići,	12.09.2010. godine u 17 sati.

Član 4.

Izborni zbor za izbor članova Vijeća MZ-e Stupari za naseljena mjesta održat će se:

- Krivajevići,	01.09.2010. godine nakon kandidacionog zbora,
- Rujići,	01.09.2010. godine nakon kandidacionog zbora,
- Brgule,	03.09.2010. godine nakon kandidacionog zbora,
- Crijevčići,	03.09.2010. godine nakon kandidacionog zbora,
- Brlošci,	04.09.2010. godine nakon kandidacionog zbora,
- Prijanovići,	04.09.2010. godine nakon kandidacionog zbora,
- Stupari centar,	05.09.2010. godine nakon kandidacionog zbora,
- Stupari selo,	07.09.2010. godine nakon kandidacionog zbora,
- Novo naselje,	10.09.2010. godine nakon kandidacionog zbora
- Noćajevići,	12.09.2010. godine nakon kandidacionog zbora.

Član 5.

Za organizaciju i provođenje izbora iz člana 1. ove Odluke formirat će se komisija čiji sastav i zadaci će biti utvrđeni posebnom odlukom koju će donijeti Općinsko vijeće.

Član 6.

Za provođenje ove Odluke odgovorni su komisija iz člana 5. ove Odluke i Općinska služba za finansije poduzetništvo i lokalni ekonomski razvoj.

Član 7.

Troškovi provođenja izbora finansirat će se iz Budžeta Općine Kladanj za 2010.godinu, ekonomski kod 614117.

Član 8.

Odluka stupa na snagu danom objavljivanja u „Službenom glasniku Općine Kladanj“.

OPĆINA KLADANJ
OPĆINSKO VIJEĆE
Broj:01-05-2890/10
Kladanj,30.07.2010.godine

PREDSJEDAVAJUĆI
Općinskog vijeća
Nijaz Čorbić, dipl.ing.v.r.

Na osnovu člana 68. stav 2. Zakona o vodama ("Sl.novine F BiH", broj 70/06) i člana 33. stav 3. Zakona o vodama ("Službene novine TK", broj: 11/08), a u vezi člana 42. Statuta Općine Kladanj ("Službeni glasnik Općine Kladanj", broj: 1/01, 1/03, 2/04 i 2/05), Općinsko vijeće Kladanj, na sjednici održanoj dana 30.07.2010. godine, d o n o s i

O D L U K U

o zonama sanitarne zaštite i zaštitnim mjerama za izvorište "Zlaća"

I- OPŠTE ODREDBE

Član 1.

Ovom Odlukom utvrđuju se zone sanitarne zaštite i zaštitne mjere za izvorište "Zlaća", veličina i granice zaštitnih zona i mjera i ograničenja za uspostavljanje i održavanje zona sanitarne zaštite, a u cilju zaštite kvaliteta i količine vode izvorišta "Zlaća", zaštita od drugih uticaja koji mogu uticati na zdravstvenu ispravnost vode za piće sa istog izvorišta.

Izvorište "Zlaća" nalazi se na nadmorskoj visini od 650 metara nekoliko kilometara sjeverno od naselja Noćajevići. Na lokalitetu izvorišta nalaze se ukupno tri izvora. Glavni izvor najvećeg kapaciteta nalazi se na mjestu rasjeda u pećinu. Druga dva izvora nalaze se nekoliko desetina metara dalje i izvori su slojni sa površinskim isticanjem. Kapaciteti sva tri izvorišta su sljedeći: izvor I Q=2,0 l/s, izvor II Q=0,75 l/s i izvor III Q=0,25 l/s, dok je kapacitet izvorišta u kišnim periodima i do Q=6,0 l/s.

Član 2.

Pravna i fizička lica dužni su se pridržavati odredaba ove Odluke o zonama sanitarne zaštite i primjenjivati ovom Odlukom propisane mjere zaštite izvorišta "Zlaća".

II- ZAŠTITA IZVORIŠTA

Član 3.

Interventne sanitarno-tehničke mjere u prvom koraku trebalo bi usmjeriti ka obustavi eksploatacije drveta, zatim saniranje prostora na kome su boravili ljudi, mehanizacija i stoka. Prostor radilišta, a naročito gdje su boravili ljudi treba predhodno očistiti, a potom očišćeni prostor dezinfikovati odgovarajućim dezinfekcionim sredstvom. Ogoljele prostore zasadići šumskim rastinjem i strogo zabraniti bilo kakve aktivnosti kojima se narušava prirodno uspostavljena ravnoteža u slivu.

U skladu sa Pravilnikom o uslovima za određivanje zona sanitarne zaštite i zaštitnih mjera za izvorište voda koje se koriste ili planiraju da koriste za piće ("Službene novine F BiH", broj 51/02) izvorište "Zlaća" spada u izvorišta podzemnih voda u kraškim izdanima.

Prema stepenu opasnosti od zagađenja i drugih štetnih posljedica koje mogu nepovoljno uticati na zdravstvenu opasnost ili na izdašnost izvorišta "Zlaća", utvrđuju se zone sanitarne zaštite, njihova veličina i granice i režim zaštite u tim zonama.

1. I zaštitna zona, koja se dijeli na na:
 - la zona-zona najstrožijeg režima zaštite- zona izvorišta, i
 - lb zona- zona strogog režima zaštite
2. II zaštitna zona-zona ograničenog režima zaštite;
3. III zaštitna zona- zona blagog režima zaštite.

I zaštitna zona –zona najstrožijeg režima zaštite

Član 4.

I zaštitnom zonom štiti se izvorište, ponori, vrtače, rasjedi i druge tačke i lokaliteti unutar hidrogeološkog slivnog područja kod kojih postoji direktna komunikacija između površine terena i podzemnih voda.

Član 5.

Granica Ia zaštitne zone predstavlja liniju koja mora biti udaljena najmanje 50 metara od izvorišta "Zlača" odnosno 24 sata toka podzemne vode do ulaska u vodozahvatni objekat.

Član 6.

Područje Ib zaštitne zone obuhvata prostor između vanjske granice Ia zone i linije određene na bazi 48-satnog podzemnog toka vode pri prosječnim hidrološkim uslovima.

Član 7.

Područje Ia zaštitne zone mora biti zaštićeno od neovlaštenog pristupa ogradom u visini 2 metra, kao i drugim potrebnim mjerama fizičke zaštite i osiguranja.

Pristup području Ia zaštitne zone dozvoljen je samo zaposlenicima koje odredi vlasnik, odnosno korisnik vodozahvatnog objekta i nadležnim inspeksijskim organima za vrijeme vršenja kontrole, kao i drugim licima uz posebnu dozvolu i evidenciju vlasnika, odnosno korisnika vodozahvatnog objekta.

Vlasnik, odnosno korisnik vodozahvatnog objekta mora na odgovarajući način obilježiti Ia zaštitnu zonu i istaći upozorenje o zabrani neovlaštenog pristupa.

Član 8.

Na području Ia zaštitne zone zabranjuju se sve aktivnosti koje nisu u direktnoj vezi sa normalnim radom i održavanjem sistema vodosnabdijevanja. Aktivnosti koje se provode u cilju normalnog rada i održavanja sistema za vodosnabdijevanje ne smiju štetno djelovati na izvorište.

Izuzetno od stava 1. ovog člana dozvoljene su sljedeće aktivnosti:

- uzgajanje trave, bez upotrebe đubriva i drugih agrotehničkih sredstava;
- provođenje kanalizacije i drugih instalacija, koje služe za normalan rad objekta za vodosnabdijevanje, u kom slučaju je odgovarajućim projektnim i izvođačkim rješenjima potrebno osigurati da te instalacije ne mogu ugroziti izvorište.
-

Član 9.

Na području Ib zaštitne zone primjenjuju se zaštitne mjere propisane članom 8. ove Odluke, stim što se dopuštaju i sledeće aktivnosti, uz sprovođenje mjera kontrole, koje se utvrđuju elaboratom o istražnim radovima:

- upotreba prirodnog i vještačkog đubriva u obimu koji ne ugrožava kvalitet vode na izvorištu;
- kretanje stanovništva bez ograničenja i kontrolisane rekreativne aktivnosti, bez izgradnje sportskih i rekreacionih objekata;
- održavanje postojećih objekata bez promjena namjene.

Aktivnosti iz stava 1. ovog člana su zabranjene, ako se elaboratom o istražnim radovima utvrdi da se tim aktivnostima direktno ugrožava kvalitet podzemne vode na izvorištu.

II zaštitna zona- zona ograničenog režima zaštite

Član 10.

Područje II zaštitne zone obuhvata prostor od vanjske granice Ib zaštitne zone, do vanjske granice II zaštitne zone a koja predstavlja liniju od koje je podzemnoj vodi potrebno najmanje 4 dana do ulaska u vodozahvatni objekat, pri čemu ta granica ne smije biti bliža od 1 km od vodozahvatnog objekta.

Vanjska granica II zaštitne zone ponora i rasjeda utvrđuje se prema vremenu koncentracije pripadajućeg orografskog slivnog područja ponora i rasjeda od najmanje 3 sata, pri čemu ta granica ne smije biti bliža od 180 metara od ponora i rasjeda.

Zaštitne zone iz stava 1. i 2. ovog člana mogu biti povezane u jedinstvenu i kontinualnu teritoriju.

Na području II zaštitne zone kraških izvorišta zabranjeno je izvođenje radova, izgradnja objekata i obavljanje aktivnosti kojima se mogu zagaditi vode izvorišta, a naročito:

- izgradnja novih naselja i izgradnja i rad kanalizacije, osim ako vodonepropusnost kanalizacionih vodova nije obezbijeđena i kontrolisana;
- izgradnja i nekontrolisani rad sportskih i rekreacionih objekata bez vodonepropusne kanalizacije;
- formiranje gradilišta i gradilišnih naselja bez sanitarija i vodonepropusne kanalizacije;

- izgradnja i eksploatacija izvorišta i bunara koji se ne koriste za javno vodopsnabdijevanje;
- iskopi u vodonosnom sloju, osim u kratkom periodu i uz kontrolu kvaliteta podzemne vode;
- odlaganje svih vrsta čvrstog otpada i izgradnja deponije, uključujući sanitarne deponije;
- izgradnja i rad industrijskih i zanatskih pogona;
- izgradnja i korištenje skladišta rastvorljivih materija opasnih i štetnih za vodu;
- izgradnja i rad peradarskih farmi, osim uzgoja do 10 grla krupne stoke i peradi u individualnim domaćinstvima za vlastite potrebe ako je izgrađena i pravilno radi vodonepropusna kanalizacija, odnosno vodonepropusne septičke jame;
- izgradnja i eksploatacija cjevovoda za transport hemikalija, tečnih goriva, maziva i drugih opasnih materija, ukoliko nisu preduzete posebne mjere kojim se sprečava infiltracija ovih tečnosti u podzemnu vodu;
- izvođenje istražnih bušotina za naftu, zemni plin i druge opasne i štetne materije, kao i za mineralnu vodu;
- eksploataciju mineralnih sirovina;
- eksploataciju šljunka;
- izgradnja i rad uređaja za prečišćavanje otpadnih voda i uređaja za spaljivanje čvrstog otpada;
- direktno ili indirektno ispuštanje prečišćenih otpadnih voda na tlo;
- prerada, manipulacija i skladištenje hemikalija, tečnih goriva, maziva i drugih opasnih i štetnih materija;
- cestovni transport hemikalija, tečnih goriva, maziva i drugih opasnih i štetnih materija, bez provedenih mjera zaštite podzemnih voda i odobrenja i pratnje službi ministarstva unutrašnjih poslova;
- otvoreno uskladištenje i primjena hemijskih sredstava opasnih i štetnih za vodu, koja se koriste za zaštitu i rast bilja i za uništenje korova;
- izgradnja i korištenje poletno- sletnih staza, sigurnosnih površina i površina za prisilno slijetanje u zračnom saobraćaju;
- izgradnja i korištenje manevarskih i vojnih poligona;
- izgradnja novih globalja i proširenje i korištenje postojećih;
- izgradnja i rad industrijskih i zanatskih pogona sa nečistom tehnologijom, koji ispuštaju radioaktivne ili druge za vodu štetne i opasne materije;
- privredne i druge aktivnosti kojima se narušava prirodni režim infiltracije, odnosno prihranjivanje podzemnih voda izvorišta, ukoliko se posebnim mjerama ne obezbijedi vještačko prihranjivanje u količini dovoljnoj za nadoknađivanje izgubljene infiltracije;
- i druge aktivnosti za koje se utvrdi da mogu imati negativne posljedice za izvorište.

III Zaštitna zona- zona blagog režima zaštite

Član 11.

Područje III zaštitne zone obuhvata prostor od vanjske granice II zaštitne zone kraškog izvorišta i ponora i rasjeda do hidrogeološke vododjelnice kraškog izvorišta određene pri uslovima eksploatacije izvorišta, odnosno kompletan sliv rijeke Zlača od izvora do stacionaže 0+1353.

Vanjska granica III Zaštitne zone treba da je vidno označena adekvatnim znakovima na terenu.

Član 12.

Na području III zaštitne zone izvorišta zabranjeno je izvođenje radova, izgradnja objekata i obavljanje aktivnosti kojima se mogu zagaditi vode izvorišta, a naročito:

- izgradnja i rad uređaja za prečišćavanje otpadnih voda i uređaja za spaljivanje čvrstog otpada;
- direktno ili indirektno ispuštanje prečišćenih otpadnih voda na tlo;
- prerada, manipulacija i skladištenje hemikalija, tečnih goriva, maziva i drugih opasnih i štetnih materija;
- cestovni transport hemikalija, tečnih goriva, maziva i drugih opasnih i štetnih materija, bez provedenih mjera zaštite podzemnih voda i odobrenja i pratnje službi ministarstva unutrašnjih poslova;

- izvođenje istražnih bušotina za naftu, zemni plin i druge opasne i štetne materije, kao i za mineralnu vodu, ukoliko nisu poduzete posebne mjere kojim se sprečava infiltracija ili izlivanje ovih materija u podzemnu vodu, tj. komunikacija horizon(a) ta sa mineralnom sirovinom i vodonosnog horizonta izvorišta;
- eksploataciju mineralnih sirovina, osim ako se utvrdi da se tom aktivnošću ne ugrožava kvalitet podzemne vode na izvorištu;
- eksploataciju šljunka, osim iz posebno kontroliranih zaštićenih šljunkara;
- otvoreno uskladištenje i primjena hemijskih sredstava opasnih i štetnih za vodu, koja se koriste za zaštitu i rast bilja i za uništenje korova;
- izgradnja i rad peradarskih farmi, ukoliko nisu preduzete posebne mjere kojim se sprečava zagađivanje podzemnih voda;
- izgradnja i korištenje poletno- sletnih staza, sigurnosnih površina i površina za prisilno slijetanje u zračnom saobraćaju;
- izgradnja i korištenje manevarskih i vojnih poligona;
- izgradnja novih grobalja i proširenje i korištenje postojećih, osim kada se nalaze u područjima koja izgrađuju hidrogeološki nepropusne formacije;
- odlaganje svih vrsta čvrstog otpada izvan sanitarnih deponija;
- izgradnja i rad industrijskih i zanatskih pogona sa nečistom tehnologijom, koji ispuštaju radioaktivne ili druge za vodu štetne i opasne materije;
- privredne i druge aktivnosti kojima se narušava prirodni režim infiltracije, odnosno prihranjivanje podzemnih voda izvorišta, ukoliko se posebnim mjerama ne obezbijedi vještačko prihranjivanje u količini dovoljnoj za nadoknađivanje izgubljene infiltracije;
- sječa šume, osim sječe u svrhu održavanja zdravstvenog stanja šuma ,izgradnja puteva, izvođenje zemljanih iskopa i druge aktivnosti koje izazivaju ili pospješuju eroziju tla;
- i druge aktivnosti za koje se utvrdi da mogu imati negativne posljedice za izvorište.

III OSTALE ODREDBE

Član 13.

Nadzor nad sprovođenjem režima zaštita i mjera propisanih ovom Odlukom vrše inspekcijski organi i to:

1. sanitarna inspekcija – kvalitet vode za piće vodopskrbnih objekata i sanitarnih uređaja
2. komunalna inspekcija – držanje stoke, pernate živine i kunića, ispašu stoke, deponovanje i istresanje otpadnih materija i pravovremenost priključenja objekata na kanalizacionu mrežu
3. građevinska inspekcija – građenje objekata i izvođenje radova (vađenje zemlje, pijeska, kamena, šljunka i dr. materijala)
4. poljoprivredna inspekcija – upotreba vještačkog đubriva i sredstva za zaštitu bilja, kao i zasađivanje i uzgoj biljnih kultura
5. šumarska inspekcija- sječa šuma idr.

Svako iz svoje nadležnosti, u skladu sa Zakonskim propisima.

Član 14.

Sastavni dio ove odluke je i topografska karta u razmjeru 1: 5000, sa ucrtanim granicama zaštitnih zona.

Član 15.

Na području prve i druge zaštitne zone je zabranjeno uspostavljanje trajnih komunikacija (puteva) između susjednih naselja i objekata mimo sporazumno utvrđenih prostornim planom općine Kladanj preciziranih pravaca kretanja ljudi, stoke i vozila

Član 16.

Položaj utvrđenih granica zaštitnih zona i režim sanitarne zaštite na zaštićenom području mogu se u skladu sa promjenom uslova na terenu korigovati na način kako su i ustanovljene i uz saglasnost ostalih organizacija i nadležnih organa.

Član 17.

U mjsnim zajednicama i naseljima koja se nalaze u granicama zaštitnih zona uspostaviće se evidencija i kontrola kretanja kao i sahranjivanje ljudi, stoke i divljači oboljelih od raznih zaraznih i crijevnih bolesti i oboljenja endemskog karaktera kao i pojačanih mjera zdravstvene zaštite.

IV. KAZNE NE ODREDBE

Član 18.

Imajući u vidu značaj ove odluke i posljedice koje po život i zdravlje ljudi mogu nastupiti usljed postupanja suprotno odredbama ove odluke nužno je propisati prekršaje i kazne za prekršaje.

Član 19.

Ko postupi protivno odredbama ove odluke kazniće se za učinjene prekršaje po odredbama Zakona o vodama.

Učinioci prekršaja iz prethodnog stava odgovorni su i za pričinjenu materijalnu štetu prouzrokovanu nedozvoljenim postupcima.

Član 20.

Lica koja svojim činjenjem ili ne činjenjem prouzrokuju zagađenje vode za piće, što je imalo ili moglo imati teže posljedice po život i zdravlje ljudi, kazniće se po opštim propisima za učinjena krivična djela i plaćenje naknade.

Član 21.

Prekršaje bi trebalo regulisati na taj način što bi se inkrimisane radnje stepenovale prema stvarnoj težini u zavisnosti od toga propisivala bi se visina novčane kazne, kao i da li je za prekršaj odgovorno pravno lice ili građanin.

V. PRELAZNE I ZAVRŠNE ODREDBE

Član 22.

Korisnik vodozahvatnih objekata u skladu sa odredbama člana 7. ove Odluke, dužan je najkasnije u roku od godinu dana stupanja na snagu ove Odluke da osigura zaštitnu ogradu po granicama la zaštitne zone izvorišta i da postavi znakove upozorenja u la zaštitnoj zoni o zabrani pristupa neovlaštenim licima u toj zaštitnoj zoni.

Član 23.

Na području I, II i III zaštitne zone izvršiti će se uređenje prostora i provođenje zaštitnih mjera u skladu sa ovom Odlukom i projektom u roku od dvije godine od dana njenog donošenja.

Član 24.

Ova Odluka stupa na snagu danom objavljivanja u "Službenom glasniku općine Kladanj".

Na osnovu člana 2. stav 1. Zakona o vodama ("Službene novine TK", broj :11/08 od 10.12.2008. godine) i člana 42. Statuta Općine Kladanj-prečišćen tekst ("Sl. glasnik Općine Kladanj", broj : 1/01, 1/03, 2/04 i 2/05), Općinsko vijeće Kladanj na sjednici održanoj 30.07.2010. godine, d o n o s i

P R O G R A M

sanacije vodovodne mreže u naseljenom mjestu Kladanj

U V O D

I

Naseljeno mjesto Kladanj se snabdijeva vodom za piće sa dva veća izvorišta i to sa izvorišta Staričke rijeke i Gluha Bukovica , kao i sa nekoliko manjih izvorišta, Aličevića česma, Vojnik, Dobra voda, Vranovići i dr.

U ljetnom sušnom periodu te količine vode nisu dovoljne za potrebe stanovništva kao i za potrebe privrede Kladnja, tako da se uvode višesatne i višednevne redukcije vode.

Jedan od glavnih uzroka nedostatka vode u ljetnom periodu je nedovoljan dotok vode na izvorišta kao i veliki gubici vode u distributivnoj mreži.

Rekonstrukcija distributivne mreže gradskog vodovoda, započeta je 1998. godine kada je izuzetno kvalitetnim cijevima urađen izlaz iz rezervoara Hrastovac te cjevovod u obliku prstena sa više međusobnih veza koji čini osnov distributivne mreže. Ovaj program obuhvata nastavak rekonstrukcije sa ovog prstena, rješavajući sistematski dio po dio grada.

Prioritet za rješavanje je stavljanje van funkcije dijela starog vodovoda urađenog sa metalnim cijevima a smješten je paralelno sa kolektorom otpadnih voda ispod trotoara i dijela puta u ulici Kladanjskih brigada.

Program obuhvata i izradu pet šahtova na distributivnoj mreži sa opremom za kontrolu pritiska i potrošnje, koji bi odvajali pojedine ulice i mahale.

Ovaj Program obuhvata i ugradnju vodomjera za sva domaćinstva koja nemaju ugrađen vodomjer.

II

Za Program sanacije vodovodne mreže u naseljenom mjestu Kladanj korišteni su podaci iz Glavnog projekta "Vodovodni sistem Kladnja" odjeljak "Prsten donje zone" , Projekat M-8 TZiW060- od 1998. godine od strane projektanta PARSONS.

Sanacija sekundarne mreže vodovodnog sistema Kladnja u ulici Kladanjskih brigada obuhvata dionicu od kuće Pašalić Envera do glavnog mosta kod semafora i od ulice Luke do zgrade MUP-a.

III

Prilikom izrade glavnog prstena sekundarne mreže 1998. godine dio korisnika (cca 60 pravnih lica i cca 140 domaćinstava) su i dalje ostali na staroj metalnoj vodovodnoj cijevi koja ide ulicom Kladanjskih brigada od glavnog mosta do skvera na Crkvištu. S obzirom na starost postojećih cijevi sve su učestaliji kvarovi na terenu i postoje realne pretpostavke da su na tom dijelu najveći gubici vode. Iz tog razloga se ide na eliminaciju te cijevi i prespajanje svih korisnika na urađeni prsten. Prilikom izvođenja radova preporučuje se da se što manje vrši prekopavanje javnih površina, pogotovo saobraćajnice i da intervali isključivanja vode budu što kraći.

TEHNIČKI OPIS

IV

Prijedlog Rješenja vodosnabdijevanja sa prstena prije mosta iza zgrade MUP-a izvršiti spajanje na prsten položene postojeće PVC cijevi Ø 100mm koja je položena lijevom obalom Drinjače pored sportske dvorane do

ul. Kladanjske brigade gdje se spaja na staru metalnu cijev ispod kuće Samardžić Mehmeda gdje bi se trebala i blindirati. Sa ove cijevi se napajaju vodom: zgrada MUP-a, zgrada Šumarstva i rudnika, zgrada Suda , supermarket, minimarket vl. Dževada Rustemovića , OBP "Senada", buregdžinica "Sar", kuća Kadić Nijaza i novi objekat sportske dvorane.

1.Rad kod zgrade MUP-a

Radovi bi se izvodili kombinovano- ručno i mašinski iskop zemlje III kategorije, strogo vodeći računa o ostalim podzemnim instalacijama (elektro inst., PTT, grijanje, kanalizacija).

Rad mašine 50% iznos 126,00 KM

Rad radnika 50% iznos 400,00 KM

Nabavka i ugradnja spojnog materijala za vezu PVC cijevi Ø 100mm na prsten

Ogrlica Ø 100 /2" 2 kom , 270,00 KM (2 x 135,00 KM)

Cijev PEHD Ø 2" cca 10 m, 45,00 KM (10 X 4,50 KM)

MS Poluspojnicica Ø 2" 4 kom, 108,00 KM (4 X 27,00 KM)

Kugla ventil Ø 2" 2 kom , 108,00KM (2 X 54,00 KM)

Ostali spojni materijal, paušalno, 135,00 KM

Rad vodoinstalatera, 144,00 KM

Ostali nepredviđeni radovi i dovođenje terena u prvobitno stanje, 500,00 KM

2. Rad kod kuće Samardžić Mehmeda

Ručni iskop zemlje uz predhodno isijecanje i štemanje asfaltne i betonske površine

Rad mašine, 126,00 KM

Rad radnika, 200,00 KM

Nabavka i ugradnja uz predhodno presijecanje i blindiranje cijevi Ø 100mm.

- "EBS" komad Ø 100mm 2 kom , 234,00 KM

- "X" komad Ø 100mm 2 kom, 200,00 KM

- Ostali spojni materijal, paušalno, 135,00 KM

- Rad vodoinstalatera, 144,00 KM

- Ostali nepredviđeni radovi i dovođenje terena u prvobitno stanje (asfaltiranje i betoniranje), 600,00 KM

-

3. Priključak sportske dvorane

Kombinovani ručni i mašinski iskop rova za polaganje napojnog voda u dužini od 80 metara i AB šahta sa oprezom na podzemne instalacije.

- Mašinski iskop 50% , 630,00 KM

- Ručni iskop 50%, 908,00 KM

- Izgradnja AB revizionog šahta kom 1 u betonskoj varijanti paušalno, 1.125,00 KM

- nabavka i ugradnja PEHD cijevi Ø 2", 80m, 360,00KM (80 x 4,50 KM)

- nabavka i ugradnja (kuglastog) ventila Ø 2", 3 kom, 162,00 KM (3 X 54,00 KM)

- nabavka i ugradnja ogrlice Ø 100/2" , 1 kom, 135,00 KM

- MS poluspojka 2" , 4 kom, 108,00 KM (4 X 27,00 KM)

Ostali spojni materijal paušalno, 180,00 KM

Rad vodoinstalatera, 144,00 KM

Ostali nepredviđeni radovi i dovođenje terena u prvobitno stanje, paušalno, 600,00KM

4. Priključak korisnika na lokaciji zv. brijeg (pojedinačni)

- Ručni iskop zemlje, paušalno, 600,00 KM

- Nabavka i ugradnja PEHD cijevi ¾ " cca 50 m, 45,00 KM

-Nabavka i ugradnja spojnog materijala za postojeće korisnike (6 kompleta), 700,00 KM

- Ostali nepredviđeni poslovi paušalno, 225,00 KM

5. Radovi prespajanja na lokaciji javna česma pored zgrade Centra za socijalni rad

Izvršiti spajanje na prsten (2 grupe korisnika) i to:

1. grupa I: zgrada Općine, zanatskog centra, doma kulture, hotel "Bosna", robna kuća, metro, banka, pošta itd.
2. grupa II: zgrada Centra za socijalni rad, JP "Šume TK", penzionera, KTK, stambena zgrada, kao i domaćinstva od kuće Halilović Mihnete i Kanjić Adema do Rustemović Zijada.

Postojeći napojni vod ispod stepeništa Zanatskog centra izvršiti blindiranje priključka.

Spajanje prve grupe korisnika:

Kombinovani ručni i mašinski iskop zemlje uz predhodno isijecanje i štemanje asfaltnih i betonskih površina i iskop rova dužine cca 20 metara.

- Rad mašine, 250,00 KM
- Rad radnika, 400,00 KM

Nabavka i ugradnja spojnog materijala

T komad 2" , -2 kom, 22,00 KM

Ogrlica Ø 200/2" -2 kom, 320,00 KM

Pehd cijev 2" , -cca 20 m, 90,00 KM

MS poluspojnicica 2" , -6 kom, 162,00 KM

Kugla ventil 2" , -4 kom, 216,00 KM

Ostali spojni materijal, 180,00 KM

Rad vodoinstalatera, 144,00 KM

Izrada AB šahta u parku iza spomenika, paušalno, 1.225,00 KM

Ostali spojni materijal, paušalno, 810,00 KM

Rad vodoinstalatera, paušalno, 144,00 KM

Ručni iskop zemlje uz predhodno isijecanje i štemanje betonskih površina ispod stepeništa zanatskog centra.

- Rad radnika, 400,00 KM
- Nabavka i ugradnja uz predhodno presijecanje i blindiranje cijevi Ø 2"
- Spojni materijal, paušalno, 630,00 KM
- Rad vodoinstalatera, paušalno, 144,00 KM
- Ostali nepredviđeni radovi, 360,00 KM
- Dovođenje terena u prvobitno stanje, 1.150,00 KM

Spajanje druge grupe korisnika:

Ručni iskop rova za spajanje na prsten

- Rad radnika, 200,00 KM

Nabavka i ugradnja spojnog materijala

Ogrlica Ø 200/2" -1 kom, 162,00 KM

MS poluspojnicica 2" , 4 kom, 108,00 KM

Ostali spojni materijal, paušalno, 180,00 KM

Rad vodoinstalatera, 100,00 KM

Izrada AB šahta dimenzija 1,2 x 1,2 x 1,5m u parku ispod zgrade JP "Šume TK", paušalno, 1.125,00 KM

Nabavka i ugradnja spojnog materijala

Kugla ventil 2" , 2 kom, 108,00KM

T komad 2" , -1 kom, 11,00 KM

MS poluspojnicica 2" , 4 kom, 108,00 KM

Ostali spojni materijal, paušalno, 180,00 KM

Rad vodoinstalatera, 200,00 KM

Ostali nepredviđeni radovi i dovođenje terena u prvobitno stanje, paušalno, 600,00KM

6. Radovi kod glavnog mosta u gradu na lijevoj obali Drinjače

(u trotoaru kod semafora izvršiti spajanje zgrada P + 8 i P+4 na prsten).

Ručni iskop rova uz predhodno isijecanje i štemanje asfaltnih i betonskih površina strogo vodeći računa o ostalim podzemnim instalacijama.

Rad mašine , 270,00KM

Rad radnika, 908,00 KM

Nabavka i ugradnja spojnog materijala

Ogrlica Ø 200/2" -2 kom, 324,00

MS poluspojnicica 2",-6 kom, 162,00KM

Kugla ventil 2", 3 kom, 162,00 KM

Ostali spojni materijal paušalno, 270,00KM

Rad vodoinstalatera, 288,00 KM

Ostali nepredviđeni radovi i dovođenje terena u prvobitno stanje, paušalno, 1.200,00 KM

7. Radovi na kolovozu u ul. Kladanjske brigade

(pored kuće Pašalić Envera) spajanje na prsten dvije grupe korisnika:

1. grupa I: korisnici oko AS "Bald" od Čorbić Avde do Mezetović Ejuba i od Selimbašić Atifa do Krekić i Gazdić Senahida.

2. grupa II: korisnici ispod kuće Pašalić Envera od "Keke" do Gogić Ahme omladinca.

Kombinovani ručni i mašinski iskop zemlje IV kategorije uz predhodno isijecanje asfaltnih i betonskih površina.

1. Grupa korisnika

Rad mašine, 252,00 KM

Rad radnika , 400,00KM

Nabavka i ugradnja spojnog materijala

Ogrlica Ø 200/2" -1 kom, 162,00 KM

MS poluspojnicica 2",-4 kom, 108,00 KM

Ostali spojni materijal, paušalno, 180,00 KM

Rad vodoinstalatera, 144,00 KM

Izrada šahta u betonskoj varijanti dimenzija 1,0 x 1,0 x1,2 m -paušalno, 1.125,00 KM

Nabavka i ugradnja spojnog materijala

Kugla ventil 2", 2 kom, 108,00 KM

MS poluspojnicica 2",-4 kom, 108,00 km

Ostali spojni materijal, paušalno, 180,00 KM

Rad vodoinstalatera, 144,00 KM

Ostali nepredviđeni radovi i dovođenje terena u prvobitno stanje, paušalno, 800,00 KM

Kombinovani ručni i mašinski iskop zemlje IV kategorije uz predhodno isijecanje asfaltnih i betonskih površina u dužini cca 20 m do šahta ispod puta.

Rad mašine, 252,00 KM

Rad radnika, 800,00 KM

Nabavka i ugradnja spojnog materijala

Ogrlica Ø 200/ 2", 1 kom, 162,00KM

Pehd cijev 2", 30 m, 135,00 KM

MS poluspojnicica 2", 6kom, 162,00 KM

T komad 2" , 2 kom, 22,00 KM

Ostali spojni materijal, paušalno, 270,00 KM

Rad vodoinstalatera, 144,00 KM
Kombinovani ručni i mašinski iskop rova za vodovodnu cijev u dužini cca 200 m + 100 M
Rad mašine, 500,00 KM
Rad radnika, 1.200,00 KM
Nabavka i ugradnja
Pehd cijev 2", cca 120 m +100 m, 1.350,00 KM
Pehd cijev 1", cca 30 m, 54,00 KM
Pehd cijev 1/2", cca 30m + 30 m, 54,00KM
T komad 2", -4 kom, 44,00 KM
Redukcija 2"/1/2, 2 kom-, 14,00 KM
Redukcija 2"/1", 1 kom-, 5,00 KM
Kugla ventil 2", 4 kom-, 216,00
Kugla ventil 1", 2 kom, 45,00 KM
MS poluspojnica 2",- 8 kom , 216,00 KM
MS poluspojnica 1",- 4 kom, 54,00 KM
MS poluspojnica 1/ 2",- 4 kom, 30,00 KM
Ostali spojni materijal, paušalno, 360,00 KM
Rad vodoinstalatera, 860,00 KM
Izrada AB šahta ispod kuće Mašić Nihada, 1kom, paušalno, 1.000,00 KM.
Dovođenje terena u prvobitno stanje, paušalno, 800,000 KM

8. Radovi na lokaciji Crkvište

Ispod kuće Tabić Safeta izvršiti spajanje na prsten korisnika- domaćinstava od Gurda Muriza do Rustemović Zijada i oko Halilović Šane i Fikana.

1. kombinovani ručni i mašinski iskop zemlje uz predhodno isijecanje i sječenje betonskih površina cca 50 m +100 m +150 m.

Rad mašine, 500,00 KM
Rad radnika , 1.600,00 KM
Nabavka i ugradnja spojnog materijala
Ogrlica Ø 200/2" /5/4 " , 1 kom, 135,00 km
MS poluspojnica 5/4" , 4 kom, 58,00 KM
Ostali spojni materijal, paušalno, 180,00 KM
Rad vodoinstalatera , 144,00 KM
Izrada u betonskoj varijanti šahta dimenzija 1 x1 x 1,2 m paušalno, 1.125,00 KM
Nabavka i ugradnja spojnog materijala
Kugla ventil 1", 2 kom, 45,00 KM
MS poluspojnica 1" , 4 kom, 54,00 KM
MS poluspojnica 3/4" , 10 kom, 76,00 KM
T komad 1", 4 kom, 11,00 KM
Ostali spojni materijal, paušalno, 315,00 KM
Rad vodoinstalatera, 800,00 KM
Pehd cijev 5/4", cca 50 m, 68,00 KM
Pehd cijev 1", cca 100 m, 108,00 KM
Pehd cijev 3/4", cca 100 m, 90,00 KM
Pehd cijev 1/2", cca 150 m, 108,00 KM
MS poluspojnica 1/ 2",- 20 kom, 108,00 KM
Ostali nepredviđeni radovi i dovođenje terena u prvobitno stanje, paušalno, 1.000,00 KM

9. Radovi na lokaciji Crkvište

Kombinovani ručni i mašinski iskop rova za cijev u dužini cca 80 metara.

Rad mašine, 252,00 KM
 Rad radnika, 200,00 KM
 Nabavka i ugradnja
 Pehd cijev 1", cca 80 , 86,00 KM
 MS poluspojnicica 1" , 8 kom, 108,00 KM
 T komad 1", 5 kom, 13,00 KM
 MS poluspojnicica 1/ 2",-20 kom, 108,00 KM
 Ostali spojni materijal, paušalno , 180,00 KM
 Rad vodoinstalatera, 280,00 KM
 Dovođenje terena u prvobitno stanje,paušalno, 300,00 KM

10. Nabavka i ugradnja vodomjera

Rezervoar "Hrastovac"

Nabavka i ugradnja vodomjera Ø 200 , 1 kom, u iznosu od 4.130,00 KM, kojim će se pratiti protok vode iz rezervoara u distributivnu mrežu .

Kaptaža " Starička rijeka" nabavka i ugradnja vodomjera Ø 200 , 1 kom u iznosu od 4.130,00 KM, kojim će se pratiti protok vode i napajanje primarne mreže vodovoda.

Rezervoar Duga mahala

Nabavka i ugradnja vodomjera Ø 3" , 1 kom, 1.450,00 KM

Nabavka i ugradnja vodomjera Ø 2" , 2 kom, 1.480,00 KM (2 x 740,00 KM)

Vodomjeri za domaćinstva

Nabavka i ugradnja vodomjera Ø ½" , 450 kom 24.750,00 KM (450 x 55,00 KM)

Nabavka i ugradnja vodomjera Ø 3/4" 50 kom 3.300,00 KM (50 x 66,00 KM)

Vodomjeri za zgrade

Nabavka i ugradnja vodomjera Ø 2" 20 kom, 10.800,00 KM (20 x 540,00 KM)

Nabavka i ugradnja vodomjera Ø 6/4" 10 kom, 2.940,00 KM (10 x 294,00 KM)

11. Izrada sekcionih šaftova sa kompletnom opremom (ventili, vodomjeri, ostali spojni materijal, itd.) 4 kom x 5.850,00 KM = 23.400,00 KM.

12. Vodovod Aličevića česma

1. Kompletna rekonstrukcija kaptaže , paušalno 3.000, 00 KM

2. Rekonstrukcija suhe komore (ventili, vodomjeri, cjevna armatura), paušalno 2.000,00 KM

3. Nabavka i montaža novih cjevovoda Ø 2" (1 kom od potrebnih 3 kom) u isti rov umjesto dosadašnjih LŽ cijevi (cca 1 x 1.500 m), paušalno 12.000,00 KM.

Napomena: navedene cijene u programu su bez PDV.

FINANSIJSKI PLAN

R/b	Vrsta radova	Iznos predviđenih sredstava (KM)
1	Radovi kod zgrade MUP-a	1.836,00
2.	Radovi kod kuće Samardžić Mehmeda	1.639,00
3.	Priključak sportske dvorane	4.352,00
4.	Spajanje korisnika na brijegu (pojedinačni)	1.570,00
5.	Radovi prespajanja na lokaciji javna česma	9.725,00
6.	Radovi kod glavnog mosta u gradu na lijevoj obali Drinjače	3.584,00

	(u trotoaru kod semafora izvršiti spajanje zgrada P + 8 i P+4 na prsten).	
7.	Radovi na kolovozu u ul. Kladanjske brigade (pored kuće Pašalić Envera) spajanje na prsten dvije grupe korisnika	12.460,00
8.	Radovi na lokaciji Crkvišta	6.525,00
9.	Radovi na lokaciji Crkvišta	1.527,00
10.	Nabavka i ugradnja vodomjera	52.980,00
11.	Izrada sekcioniha šahtova sa kompletnom opremom	23.400,00
12.	Vodovod Aličevića česma	17.000,00
	UKUPNO bez PDV	136.598,00
	UKUPNO sa PDV-om	159.819,70

V

FINANSIRANJE

Planirana sredstva potrebna za realizaciju ovog Programa utvrđena su u Budžetu Općine Kladanj za 2010. godinu ekonomski kod 82152106 – Kapitalni izdaci ("Sl. glasnik Općine Kladanj", broj: 9/09) i iz drugih izvora.

VI

NADZOR ZA PROVOĐENJE PROGRAMA

Nadzor nad realizacijom ovog Programa vrši Općina Kladanj sa Službama u skladu sa nadležnostima.

VII

Rok za realizaciju ovog Programa je 30.11.2010. godine .

VIII

Ovaj Program stupa na snagu danom objavljivanja u "Službenom glasniku Općine Kladanj".

OPĆINA KLADANJ
OPĆINSKO VIJEĆE
 Broj:01-25-2892/10
 Kladanj, 30.07.2010. godine

PREDSJEDAVAJUĆI
 Općinskog vijeća
Nijaz Čorbić, dipl.ing.v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03, 2/04 i 2/05), Općinsko vijeće Kladanj na sjednici održanoj 30.07.2010. godine, d o n o s i

ZAKLJUČAK

I

Usvaja se Izvještaj o izvršenju plana gazdovanja UG Lovačko društvo "Sokolina" Kladanj za lovnu 2009./10. godinu.

II

Zaključak će se objaviti u "Službenom glasniku Općine Kladanj".

OPĆINA KLADANJ
OPĆINSKO VIJEĆE

Broj: 01- 26-2298/10
Kladanj, 30.07.2010. godine

PREDSJEDAVAJUĆI
Općinskog vijeća
Nijaz Čorbić, dipl.ing.v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03, 2/04 i 2/05), Općinsko vijeće Kladanj na sjednici održanoj 30.07.2010. godine, d o n o s i

ZAKLJUČAK

I

Prihvata se Informacija o gazdovanju šumama i stanju šuma na području Općine Kladanj za 2009. godinu.

II

Zaključak će se objaviti u "Službenom glasniku Općine Kladanj".

OPĆINA KLADANJ
OPĆINSKO VIJEĆE

Broj: 01- 26-2651/10
Kladanj, 30.07.2010. godine

PREDSJEDAVAJUĆI
Općinskog vijeća
Nijaz Čorbić, dipl.ing.v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03, 2/04 i 2/05), Općinsko vijeće Kladanj na sjednici održanoj 30.07.2010. godine, d o n o s i

ZAKLJUČAK

I

Prihvata se Informacija o realizaciji kulturnih i sportskih sadržaja te sadržaja fizičke kulture sa prijedlogom mjera za poboljšanje.

II

Zaključak će se objaviti u "Službenom glasniku Općine Kladanj".

OPĆINA KLADANJ
OPĆINSKO VIJEĆE

Broj: 01- 40-2893/10
Kladanj, 30.07.2010. godine

PREDSJEDAVAJUĆI
Općinskog vijeća
Nijaz Čorbić, dipl.ing.v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03, 2/04 i 2/05), Općinsko vijeće Kladanj na sjednici održanoj 30.07.2010. godine, d o n o s i

ZAKLJUČAK

I

Prihvata se Informacija o socijalnoj zaštiti i materijalnom položaju stanovništva općine Kladanj.

II

Zaključak će se objaviti u "Službenom glasniku Općine Kladanj".

OPĆINA KLADANJ
OPĆINSKO VIJEĆE

Broj: 01- 35-2894/10
Kladanj, 30.07.2010. godine

PREDSJEDAVAJUĆI
Općinskog vijeća
Nijaz Čorbić, dipl.ing.v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj",broj:1/01, 1/03 ,2/04 i 2/05), Općinsko vijeće Kladanj na sjednici održanoj 30.07.2010. godine , d o n o s i

ZAKLJUČAK

I

Općinsko vijeće Kladanj prihvata Nacrt Zakona o izmjenama i dopunama Zakona o porezu na promet, nepokretonosti i prava.

II

Zaključak će se objaviti u "Službenom glasniku Općine Kladanj".

OPĆINA KLADANJ
OPĆINSKO VIJEĆE

Broj: 01- 02-2568/10
Kladanj, 30.07.2010. godine

PREDSJEDAVAJUĆI
Općinskog vijeća
Nijaz Čorbić,dipl.ing.v.r.